

**Namminersornerullutik Oqartussat nalunaarutaat nr. 12, 1. april 1985-imeersoq
nunaqarfinni illut sulliviit pilersinneqarnerannut tapiissuteqartarneq pillugu**

Landstingip inatsisaani nr. 9 16. november 1984-imeersumi § 9 malillugu nunaqarfinni illunik sullivinnik pilersitsinermut tapiissutit pilligit makku aalajangersarneqarput:

Kap. 1

Siunertaa aalajangersakkallu nalinginnaasut.

§ 1. Namminersornerullutik Oqartussat nunaqarfinni illunik sullivinnik sananermut aningaasartuutit ilaasa matunissaannut kommunenut tapiissuteqarsinnaapput.

§ 2. Namminersornerullutik Oqartussat illut sulliviit innaallagiallit, imillit, kiassaatillit il. il. naleqquttumik katersuutarfissatut naatsorsuussat nunaqarfinni sananeqarnissaannut tapiissuteqarsinnaapput, illullu makkununnga atorneqarsinnaapput:

- 1) Atisanik errorsinermut.
- 2) Uffarnermut.
- 3) Amernik errorsinermut suliarinninnermullu.
- 4) Sanaalunnermut sananermullu.

Imm. 2. Illu sullivik nunaqarfimmiut angerlarsimaffimmi suliassaasa ilaannut oqilisaataassaaq. Illu sullivik iluaqutaaniassaaq innaallagissiorfiup, imeqarfiup il.il. atorluarneqarnissaannut. Illu sullivik nunaqarfimmiut ataatsimoorullugu pigaat.

§ 3. Namminersornerullutik Oqartussat tapiissuteqarsinnaapput pilersitsinermut aningaasartuutit 85 procentiinik. Pilersitsinermut aningaasartuutit sinneri kommuneqarfiup pineqartup nammineerluni akilissavai.

§ 4. Illu sullivik kommunep pineqartup pigaa.

§ 5. Illu sullivik nunaqarfimmiut piffissani aalajangersimasuni atorsinnaassavaat.

§ 6. Kommunalbestyrelse siulersuisunik pilersitsissaaq illup sulliviup ingerlaneranik nakkutilliisussanik. Bygderådi, communalbestyrelse illumillu sullivimmik atuisut siulersuisuni sinniisoqassapput.

Kap. 2

Tapiissuteqarnissami piumasat.

§ 7. Illup sulliviup ingerlanneqarnera pillugu kommune ileqqoreqqusaliussaaq. Ileqqoreqqusaaq Namminersornerullutik Oqartussanit atortussangortinneqassaaq. Kommunep ileqqoreqqusaaq

imaqassaaq makkua pillugit aalajangersakkanik:

- 1) Illu sullivimmik siulersuisut nakkutilliinissaannik.
- 2) Nakkutilliisumut ilitsersuummik.
- 3) Illu sulliviup atorneranut malittareqqusnik.
- 4) Illu sullivik pillugu tamanut ammasumik ataatsimiitsisarnermut tunngasunik.

§ 8. Kommunalbestyrelsep akisussaaffigissavai:

- 1) Illup sananerata pimoorussamik aqunneqarnissaa.
- 2) Illuliornermik nakkutilliisoqarnissaa.
- 3) Illup sananerata nalaani aamma inernerata kingorna iluamik sillimmasersimanissa sulissutigissallugu.
- 4) Illuliorneq ingerlanneqassasoq pilersaarasiaq akueineqarsimasoq naapertorlugu.
- 5) Aningaasat akuerisat atorneqarnerat nakkutiginerat.
- 6) Aningaasat sippornissaat ilimanarsissappat Namminersornerullutik Oqartussat akuersissummik piniarfinginissaat.
- 7) Suliaq naammassippat illuliornermut naatsorsuutit suliarinissaat.
- 8) Illuliornermut naatsorsuutit Namminersornerullutik Oqartussanut nassiunnissaat.
- 9) Illuliorneq aallartitsinnagu oqartussat akuersissutissaat pisariaqartut pissarsiarinissaat.

§ 9. Kommunalbestyrelse pisussaavoq isumagissallugu nunaqarfimmiut illuliap pilersaarusiорнеранут, sananeranut ingerlanneranullu sumulluunniit peqataanissaannut periarfissaqarnissaat soorlu makku atorlugit: Ataatsimiinnerit tamanut ammasut, politikkut peqatigiiffiit ataatsimiititaliallu ataatsimiinneri, komitiit ataatsimiinneri, nammieq suliniuteqarneq allattulluunniit iliuuseqarneq.

Kap. 3

Tapiissutissat ataasiakkaat suliarinerini periusissat.

§ 10. Tapiiffigineqarnissamik qinnuteqaat illup sulliviup sanaffigineqarfissaata kommuneata kommunalbestyrelseanit Namminersornerullutik Oqartussanut nassiunneqassaaq.

§ 11. Aningaasaliissutissanut pilersaarutinut atatillugu koinmunep anguniassavaa sananissamik pilersaarutimi kingusinnerpaamik ukiunik 3-nik sioqqutsisumik nalunaarutiginissaat.

§ 12. Tapiiffigineqarnissamik qinnuteqaat Namminersornerullutik Oqartussanit kingusinnerpaamik pilersaarutip piviusunngortinnissa ukiunik sioqqullugu 1. maj tikitsinnagu tiguneqareersimassaaq.

§ 13. Illumik sullivimmik communalbestyrelsep qinnuteqaataa paasissutissanik makkuninnga ilaqaqtinneqassaaq:

- 1) Nunaqarfimmi toqqavissarsiap assinga nuutitaq.
- 2) Sanaassap pilersaarusiap allaaserinera titartarnerilu.
- 3) Sanaassamut aningaasartuutissat ilimagisat pillugit missingersuut erseqqissagaq (sanasunut aningaasartuutissat, maskinanut aammalu illup iluani pisatassanut assigisaannullu aningaasartuutissat, titartaalluni pilersaarusiорнермуt aningaasartuutissat, sanaap siulersorneqarneranut

aninaasartutissat, nakkutilinermut aninaasartutissat il.il.).

4) Ukumi ingerlatsivimmi siullermi ingerlatsinermi isertitassatut aammalu aninaasartututissatut ilimagisat pilersaarusrusiornerat, pilersaarusrusiat suliarineqarnerani tunngavigineqarsimasut pillugit nassuaat ilanngullugu.

5) Ukumi pilersitsivimmi akit akissarsiallu angissusii najoqqutaralugit aningaasalersuinissamut pilersaarut.

6) Pilersitsinermut aninaasartututinit akiliutissani qanoq ililluni akilerniarnerini kommunep nalunaarutaa, aamma ingerlatsinermut aninaasartututissat pissariariniarnerat pillugu nassuaat.

7) Nunaqarfimmuit illup pilersaarusrusiorneranut rsananeranut ingerlanneqarneranullu tamarmut peqataasinnaanissaannut periarfissaqarnissaat pillugu kommunep qanoq iliorluni isumaginninniarneranik nalunaarut.

8) Ileqqoreqqusat atortussanngortinniakkat assingat ataaseq. Malittarisassanut missiliuut, ilitsersuutit il.il. ilanngullugit nassiunneqassapput.

9) Siulersuisunut ilaasortat aqqisa nalunaarutigineqarnerat.

10) Illuliornermut oqartussat, peqqinnissamut oqartussat, sulinermik nakkutilliisut aamma oqartussat allat akuersineri.

11) Pilersaarusrusiornerup ingerlanneqarnissaa pillugu piffissamik pilersaarut.

§ 14. Namminersornerullutik Oqartussat nalunaarutigisinggaavaat paasissutissat suut §§-ini 11 aamma 13-imni taaneqarsimasut saniasigut nassiunneqassanersut.

§ 15. Akuersissuteqarneq naapertorlugu Namminersornerullutik Oqartussat ukumi sanaassap aallartiffissaani 1. januar nallertinnagu qinnuteqartoq tapiissutinik neriorsuutaagallartunik nalunaarfigisinggaavaat.

§ 16. Nalunaarut erniinnarluinnaq atulissaaq.

Namminersornerullutik Oqartussat, 1. april 1985,

Hendrik Nielsen

/

Jakob Janussen